



<i>Համարը</i> N 1023-Ն	<i>Տեսակը</i> Հիմնական
<i>Տիպը</i> Որոշում	<i>Կարգավիճակը</i> Գործում է
<i>Սկզբնաղբյուրը</i> Միասնական կայք 2024.06.24- 2024.07.07 Պաշտոնական հրապարակման օրը 04.07.2024	<i>Ընդունման վայրը</i> Երևան
<i>Ընդունող մարմինը</i> ՀՀ կառավարություն	<i>Ընդունման ամսաթիվը</i> 04.07.2024
<i>Ստորագրող մարմինը</i> ՀՀ վարչապետ	<i>Ստորագրման ամսաթիվը</i> 04.07.2024
<i>Վավերացնող մարմինը</i>	<i>Վավերացման ամսաթիվը</i>
<i>Ուժի մեջ մտնելու ամսաթիվը</i> 05.07.2024	<i>Ուժը կորցնելու ամսաթիվը</i>

Կապեր այլ փաստաթղթերի հետ

ՀՀ ԿԱՌԱՎԱՐՈՒԹՅԱՆ ՈՐՈՇՈՒՄԸ ԷԿՈՊԱՐԵԿԱՅԻՆ ԾԱՌԱՅՈՂԻ ՀԱՏՈՒԿ ՈՒՍՈՒՑՄԱՆ ԾՐԱԳԻՐԸ ԵՎ ՍՏՈՒԳՈՒՄՆԵՐ ԱՆՑԿԱՅՆԵԼՈՒ ԿԱՐԳԸ ՍԱՀՄԱՆԵԼՈՒ ՄԱՍԻՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

4 հուլիսի 2024 թվականի N 1023-Ն

**ԷԿՈՊԱՐԵԿԱՅԻՆ ԾԱՌԱՅՈՂԻ ՀԱՏՈՒԿ ՈՒՍՈՒՑՄԱՆ ԾՐԱԳԻՐԸ ԵՎ ՍՏՈՒԳՈՒՄՆԵՐ
ԱՆՑԿԱՅՆԵԼՈՒ ԿԱՐԳԸ ՍԱՀՄԱՆԵԼՈՒ ՄԱՍԻՆ**

Հիմք ընդունելով «Էկոպարեկային ծառայության մասին» Հայաստանի Հանրապետության օրենքի 19-րդ հոդվածի 2-րդ մասը՝ Հայաստանի Հանրապետության կառավարությունը **որոշում է.**

1. Սահմանել էկոպարեկային ծառայողի հատուկ ուսուցման ծրագիրը և ստուգումներ անցկացնելու կարգը՝ համաձայն հավելվածի:
2. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

**Հայաստանի Հանրապետության
վարչապետ**

Ն. Փաշինյան

Երևան

04.07.2024
ՀԱՎԱՍՏՎԱԾ Է
ԷԼԵԿՏՐՈՆԱՅԻՆ
ՍՏՈՐԱԳՐՈՒԹՅԱՄԲ

Հավելված
ՀՀ կառավարության 2024 թվականի
հուլիսի 4-ի N 1023-Ն որոշման

ԷԿՈՊԱՐԵԿԱՅԻՆ ԾԱՌԱՅՈՂԻ ՀԱՏՈՒԿ ՈՒՍՈՒՑՄԱՆ ԾՐԱԳԻՐԸ ԵՎ ՍՏՈՒԳՈՒՄՆԵՐ
ԱՆՑԿԱՅՆԵԼՈՒ ԿԱՐԳԸ

1. ԸՆԴՀԱՆՈՒՐ ԴՐՈՒՅԹՆԵՐ

1. Սույն հավելվածով սահմանվում են էկոպարեկային ծառայությունում (այսուհետ՝ ծառայություն) սահմանված պաշտոն զբաղեցնող և «Էկոպարեկային ծառայության մասին» Հայաստանի Հանրապետության օրենքով (այսուհետ՝ օրենք) սահմանված դեպքերում ֆիզիկական ուժ, հատուկ միջոցներ ու հրազեն գործադրելու լիազորություն ունեցող անձանց (այսուհետ՝ ծառայող) հատուկ ուսուցման ծրագիրը և ստուգումներ անցկացնելու կարգի հետ կապված հարաբերությունները:

2. Ծառայողի հատուկ ուսուցումը ֆիզիկական ուժի, հատուկ միջոցների և հրազենի գործադրման անհրաժեշտություն առաջացնող իրադրություններում գործելու կարողությունների զարգացման և օրենքից բխող ամենօրյա ծառայողական խնդիրների պատշաճ իրականացման համար անհրաժեշտ ֆիզիկական և կրակային պատրաստվածությունն ապահովելու նպատակով պարապմունքների (դասընթացների) իրականացումն է:

2. ՀԱՏՈՒԿ ՈՒՍՈՒՑՄԱՆ ԾՐԱԳԻՐԸ

3. Հատուկ ուսուցումը ներառում է տեսական և գործնական մաս:

4. Հատուկ ուսուցման ժամկետը 5 աշխատանքային օր է:

5. Հատուկ ուսուցումն իրականացվում է ուսումնական հաստատությունում՝ ծառայողի՝ իր վերջին անցած հատուկ ուսուցումից հետո յուրաքանչյուր 3 տարին մեկ անգամ՝ կրակային, ֆիզիկական և տեխնիկական պատրաստականությանը վերաբերող հմտությունների շարունակական զարգացման և կատարելագործման նպատակով:

6. Ծառայության պաշտոն առաջին անգամ զբաղեցնող ծառայողները հատուկ ուսուցումն անցնում են պաշտոնի նշանակվելուց անմիջապես հետո:

7. Հատուկ ուսուցման ծրագիրը ներառում է՝

1) տեսական և գործնական պարապմունքների ցանկը:

2) տեսական և գործնական պարապմունքների ընդհանուր ժամաքանակը:

8. Հատուկ ուսուցման ծրագիրը սահմանված է սույն հավելվածի ձևով:

3. ՀԱՏՈՒԿ ՈՒՍՈՒՑՄԱՆ ՍՏՈՒԳԱՐՔԻ ԿԱԶՄԱԿԵՐՊՈՒՄԸ ԵՎ ԱՆՑԿԱՑՈՒՄԸ

9. Ստուգարքը հատուկ ուսուցման գործընթացի ավարտական մասն է, որի նպատակը հատուկ ուսուցում անցնող ծառայողների ուսուցման արդյունավետության ստուգումն ու գնահատումն է, որի արդյունքում ծառայողը ստանում է դրական «ստուգված» կամ բացասական՝ «չստուգված» գնահատական:

10. Ծառայողը համարվում է հատուկ ուսուցումը չանցած, եթե՝

1) բաց է թողել ընդհանուր ժամաքանակի քսան տոկոսից ավելին:

2) ստուգարքի արդյունքում ստացել է «չստուգված» գնահատական:

11. Հատուկ ուսուցման դասընթացներից հարգելի բացակայելու դեպքում ծառայողը ներգրավվում է հատուկ ուսուցման առաջիկա դասընթացին:

12. Ուսումնական հաստատության կողմից հատուկ ուսուցումն անցած ծառայողին տրվում է համապատասխան վկայական:

13. Հատուկ ուսուցման ստուգարքն անցկացվում է հատուկ ուսուցման վերջին օրը:

14. Հատուկ ուսուցման ստուգարքն անցկացվում է երեք փուլով՝

1) թեստավորում՝ ստուգվում է ծառայողներին ուսումնական դասընթացի ընթացքում մատուցված տեսական գիտելիքների յուրացման մակարդակը:

2) ֆիզիկական պատրաստվածության ստուգում՝ Հայաստանի Հանրապետության շրջակա միջավայրի նախարարի կողմից հաստատված նորմատիվներին (այսուհետ՝ նորմատիվ) համապատասխան ֆիզիկական վարժությունների կատարում:

3) կրակային պատրաստվածության ստուգում՝ Հայաստանի Հանրապետության շրջակա միջավայրի նախարարի կողմից հաստատված նորմատիվներին համապատասխան կրակային (հրաձգության) վարժաձևերի կատարում:

15. Ծառայողը մասնակցում է հատուկ ուսուցման ստուգարքի յուրաքանչյուր փուլին՝ ըստ սույն կարգի 14-րդ կետում նշված հերթականության, եթե ծառայողը ստուգարքի նախորդ փուլի ստուգման արդյունքում գնահատվել է «ստուգված»:

16. Հատուկ ուսուցման ստուգարքի գնահատականը ձևավորվում է թեստավորման, ֆիզիկական և կրակային պատրաստվածության առաջադրանքների արդյունքներով: Գնահատականը համարվում է դրական, եթե ծառայողը թեստային առաջադրանքների 15 հնարավորից 10 և ավելի միավոր է հավաքել, ինչպես նաև հանձնել է Հայաստանի Հանրապետության շրջակա միջավայրի նախարարի կողմից հաստատված նորմատիվներին համապատասխան ֆիզիկական վարժությունները և կրակային վարժաձևերը (իրենց համապատասխան միավորներով): Նշված չափանիշներից պակաս արդյունքը համարվում է բացասական գնահատական:

17. Հատուկ ուսուցման ստուգարքին չի կարող մասնակցել ընդհանուր ժամաքանակի քսան տոկոսից ավելին բաց թողած ծառայողը:

18. Ֆիզիկական պատրաստվածության ստուգումն անցկացվում է ծառայողի կողմից ֆիզիկական վարժություններից համապատասխան նորմատիվները կատարվելու (հանձնվելու) միջոցով:
19. Կրակային պատրաստվածության ստուգումն անցկացվում է ատրճանակից հրաձգություն անցկացնելու միջոցով՝ համապատասխան վարժաձևերով սահմանված կրակային նորմատիվները հանձնելու միջոցով:

2և

ԷԿՈՊԱՐԵԿԱՅԻՆ ԾԱՌԱՅՈՂԻ ՀԱՏՈՒԿ ՈՒՍՈՒՑՄԱՆ ԾՐԱԳԻՐԸ

ԹԵՄԱՆ	ՈՒՍՈՒՑՄԱՆ ԾԱՎԱԼԸ (ԱԿԱԴԵՄԻԱԿԱՆ ԺԱՄ)		
	ԸՆԴԱՄԵՆԸ	ԱՅԴ ԹՎՈՒՄ՝	
		ԴԱՍԱԽՈՍՈՒԹՅՈՒՆ	ԳՈՐԾՆԱԿԱՆ ՊԱՐԱՊՄՈՒՆՔ
1. Ընդհանուր ֆիզիկական պատրաստվածություն (վազք, ձգումներ պտտաձողի վրա, սեղմումներ ու հեղումներ՝ պառկած և ալյն)	8		8
2. Հատուկ ֆիզիկական պատրաստվածություն (ինքնապաշտպան հնարքներ՝ ձեռնամարտի կիրառումով, հատուկ միջոցներ կիրառելու հնարքները և վարժաձևերը)	8		8
3. Ֆիզիկական ուժի, հատուկ միջոցների և զենքի գործադրման կարգը, պայմանները և սահմանները	6	3	3
4. Հրազենային վնասվածքներ, արցունքաբեր և գրգռիչ նյութերից խոցված, ինչպես նաև հատուկ միջոցների կիրառման հետ կապված այլ վնասվածքներ ստացած անձանց առաջին օգնություն ցույց տալը	4	2	2
5. Գործնական հրաձգություն՝ ծառայողական կարճ ակոսափող հրազենի (ատրճանակի) պրակտիկ կիրառման հնարքները և վարժաձևերը 24 փամփուշտ կրակելու հնարավորությամբ	7		7
6. Տեղագրություն (GPS տեղորոշում)	6	4	2
7. Կապի միջոցներ	4	2	2
ԸՆԴԱՄԵՆԸ	43	11	32

Հայաստանի Հանրապետության
վարչապետի աշխատակազմի
ղեկավար

Ա. Հարությունյան

04.07.2024

ՀԱՎԱՍՏՎԱԾ Է
ԷԼԵԿՏՐՈՆԱՅԻՆ
ՍՏՈՐԱԳՐՈՒԹՅԱՄԲ

